

# Eanagotteođastussii gáibidit buoridemiid

Lapin Kansa Ságat 19.12. 14.34 Päivitetty 20.39  
Jussi Leinonen



Ristenrauna Magga presideantta šlohtas iehcanasvuodabeaivve.

Outi Paadar

Oktanaga ráđdehusa sosiála- ja dearvvašvuoda ođastusain čadahuvvo maid eanagotteođastus. Eanagottit váldet badjelasas viidát sode-bálvalusaid lassin iešguđege eará doaimmaid dego gádjundoaimma, ealáhus-, johtalus- ja birasguovddáža doaimmaid. Dat mielddisbuktán ee. dan ahte sode-áššiid mearridanváldi sirdása eret sámevuovllu gielddain Lappi eanagoddái.

## **Mearridanváldi gáidá sámevuovllus**

Evttohusas Lappi eanagotti mearridanválddi boahttevuodas geavaha eanagottestivra ja –ráđđi. Válljema várás ordnejuvvojit Lappi eanagottválggat.

Ráđdehusa evttohusat boktet eahpádusaid Sámi soster searvvi ságadoalli Ristenrauna Maggas. Searvi lea iežas cealkámušain buktán ovdan fuola sámegeielat bálvalusain.

– Ollašuvvágo sápmelaččaid ovddastus dohkálaččat olles Lappi eanagotti demokrátalaš válggain, jearrá Magga.

Su mielde sámevuovllu gielddaid jietnamearri lea nu unni, ahte sáhtá eahpidit beasságo oktage ovddasteaddji davimus gielddaid jietnameariin eanagoddestivrii. Danin Sámi soster lea evttohan ahte sápmelaččaid ovddasteaddji Lappi eanagottestivrii válljejuvvošii seamma láchkai go girkolaš čoahkkimii. Dalle sámediggái addojuvvo bargun nammadit ovddasteaddji.

## **Sámi giellalága galgá buoridit**

Ráđdehusa eanagotteláhkaárvalusas evttohuvvo ahte sámegeielat bálvalusat ollašuhthtojuvvojit sámi giellalága vuodul. Dálá dilis sámi giellalága mielde sápmelaččas lea vuoigatvuohta oážžut bálvalusa sámegeilli.

– Váttisvuohtan lea šaddan dat go virgeoapmahaččat dávjá dulkojit nu, ahte giellaláhka ii geatnegahte sin ordnet sámegeielat bálvalusaid ja dat ii lea dohkálaš, lohká Magga.

Danin son oaivvilda ahte jos ráđđehus ii rievdat eanagotteláhkaárvalusas sánige sámegielaat bálvalusaid birra, dalle ferte ođasmahttit sámi giellalága nu, ahte dat čielgasit geatnegahtá maid sosiála- ja dearvvašvuodasuorggi ordnet sámegielaat bálvalusaid. Dákkár čielga geatnegahtti láhka lea árrabajásgeassinláhka, mii geatnegahtá ordnet beaivedivššu máná eatnigillii olles Suomas.

Sámi Soster -searvi leage iežas cealkámušas evttohan buoret sátnehámi, nu ahte sápmelaččaid ruovttuguovllus bálvalusaid galgá ordnet maid sámegillii ja mat leat heivehuvvon sámi kulturduogáži.

## **Váikkuhanorgána ii leat doarvái**

Láhkaárvalusas evttohuvo maid ahte dakkár eanagottiide main leat guovttegielaat gielddat, galgá vuodđidit unnitlogugiela várás váikkuhandaibmaorgána. Dát mearkkaša ahte Lappi eanagodái vuodđuduvvo sámegielaat váikkuhandaibmaorgána, muhto dasa ii addojuvvo makkárga mearridanváldi sámegielaat bálvalusaide.

– Dathan lea káfestallanlávdegoddi, čaimmiha Magga.

Dasa lassin láhkaárvalusa mielde sode-bálvalusaid ordnemis vástida Lappi eanagoddi ja daid buvttadeami várás vuodđuduvvo Lappi bálvalanlágadus. Sámi soster gáibida ahte sápmelaččaid ovddasteaddji galgá čohkkát bálvalanlágadusa stivrras.

– Stuorámus fuolla lea ahte sápmelaččaid váikkuhanvejolašvuodát hedjonit, eahpida Magga.

Maid sámediggi lea fuolas das, mo sámegielaat bálvalusat váldojuvvojit vuhtii ja ollašuhthtojuvvojit dán ođastusas.

– Dat gal lea vahát go sámegielaat bálvalusaid diehtu ja máhttu jávká, šálloša Pia Ruotsala.

Sámedikki hálddahushoavda Ruotsala mielde okta vejolaš čoavddus livčče vuodđudit bargosaji sámegielaat bálvalusaid koordinerema várás. Dakkár sáhtašii leat sámegielaat bálvalanránvejeaddji gean bargun lea gulahallat olbmuiquin, lágádusaiguin ja fuolahit ahte bálvalusat ollašuvvet riikaviidosáččat árgabeaivvis.